

Cyswllt Pensiynau

Cyflwyniad

Croeso cynnes i'r rhifyn diweddaraf o gylchlythyr Cyswllt Pensiynau. Dyma ein cylchlythyr ar gyfer aelodau sydd wedi ymddeol o Gronfa Bensiwn Rhondda Cynon Taf a'r Gwasanaeth Tân. Eleni, bydd y rhan fwyaf o'n haelodau sydd wedi ymddeol yn gweld cynnydd o 1.7% yn eu pensiwn o 7 Ebrill 2025 ymlaen.

Bwriad y cylchlythyr yma yw darparu gwybodaeth a ffeithiau defnyddiol ar eich cyfer chi ynglŷn â'ch pensiwn. Mae cryn dipyn o wybodaeth, felly, cofiwch fod y Garfan Cymorth Pensiynau yn fodlon eich helpu – ffoniwch

01443 680611

Cewch chi hefyd ddod o hyd i lawer o wybodaeth ddefnyddiol ar ein gwefan pensiynau. Mae adran benodol ar gyfer ein haelodau sydd wedi ymddeol. Mae gan y safle ddolennau cyswllt defnyddiol i wefannau perthnasol eraill.



Dyma gyfeiriad ein gwefan:

www.pensiynaurhct.org.uk

Fy Mhensiwn Ar-lein

Mae modd i chi gofrestru ar gyfer gwasanaeth **Fy Mhensiwn Ar-lein** os nad ydych chi wedi gwneud hynny'n barod. Dymaglyfeuster ar-lein sy'n caniatáu i chi fwrw golwg ar eich holl gyflogenni a'ch ffurflen P60 ar-lein neu ddiweddarau eich cyfeiriad neu fanylion cyfrif banc. Mae modd i chi gofrestru ar gyfer y gwasanaeth drwyglicio ar fotwm **Fy Mhensiwn Ar-lein** ar wefan Cronfa Bensiwn Rhondda Cynon Taf a dilyn y cyfarwyddiadau.



Dyddiadau Talu Pensiwn

Tân Cyflogres 96	Llywodraeth Leol Cyflogres 98 (diwedd y mis)	Llywodraeth Leol Cyflogres 99 (canol y mis)
01 Mai	30 Ebrill	16 Ebrill
30 Mai	30 Mai	16 Mai
01 Gorffennaf	30 Mehefin	16 Mehefin
01 Awst	31 Gorffennaf	16 Gorffennaf
01 Medi	29 Awst	15 Awst
01 Hydref	30 Medi	16 Medi
31 Hydref	31 Hydref	16 Hydref
01 Rhagfyr	28 Tachwedd	14 Tachwedd
31 Rhagfyr	31 Rhagfyr	16 Rhagfyr
30 Ionawr	30 Ionawr	16 Ionawr
27 Chwefror	27 Chwefror	16 Chwefror
01 Ebrill	31 Mawrth	16 Mawrth

Diogelu Data

Daeth y Rheoliadau Diogelu Data Cyffredinol i rym ym mis Mai 2018. Mae Cronfa Bensiwn Rhondda Cynon Taf yn Rheolwr Data. Mae hyn yn golygu ein bod ni'n storio, cadw a rheoli eich data personol yn unol â'r gofynion statudol er mwyn caniatáu i ni weinyddu'ch pensiwn. Ydych chi eisiau rhagor o wybodaeth am y data rydyn ni'n eu cadw a'r hyn rydyn ni'n ei wneud gyda'r data hynny? Edrychwch ar ein Hysbysiad Preifatrwydd: www.rctpensions.org.uk

Eich tystysgrif P60 a'ch cyflogenni

Bydd eich Tystysgrif P60 yn cael ei chyhoeddi ym mis Mai eleni a bydd hi'n rhoi crynodeb o'r pensiwn y byddwch chi wedi'i dderbyn a'r dreth y byddwch chi wedi'i thalu yn ystod y flwyddyn, hyd at 5 Ebrill 2025. Mae'ch Tystysgrif P60 yn cynnwys gwybodaeth sy'n ofynnol gan Gyllid a Thollau Ei Mawrhydi, sef Lwfans Oes.

Cafodd y Lwfans Oes ei ddiddymu ym mis Ebrill 2024. Bellach, does dim terfyn penodol bellach ar faint o gynllun pensiwn y gall unigolyn eu cronni yn ystod eu hoes. Fodd bynnag, cyflwynir dau lwfans cyfandaliad newydd. Mae'r Lwfans Cyfandaliad yn cyfyngu ar faint o gyfandaliadau di-dreth y gall unigolyn fanteisio arny'n nhw ac mae'r Lwfans Cyfandaliad a Budd-dal Marwolaeth yn cyfyngu ar faint o arian parod di-dreth y gall unigolyn ei gymryd a'i dalu pan fyddan nhw'n marw. Uchafswm posibl y Lwfans Cyfandaliad yw £268,275 ac uchafswm posibl y Lwfans Cyfandaliad a Budd-dal Marwolaeth yw £1,073,100. Bydd y Gronfa yn parhau i ddefnyddio'r P60 flynyddol i fodloni ein gofynion adrodd mewn perthynas â'r terfynau newydd.

Noder y bydd cofnod gwag ar Dystysgrifau P60 aelodau sydd wedi ymddeol cyn 6 Ebrill 2006, gan nad yw Cyllid a Thollau Ei Mawrhydi yn gofyn am hyn.

Mae'n bwysig eich bod chi'n cadw'ch Tystysgrif P60 yn ddiogel; mae'n bosibl y bydd eisiau i chi gyfeirio ati yn y dyfodol.

Byddwch chi'n derbyn cyfloglen bapur drwy'r post os oes newid gwerth mwy na £1 yn eich pensiwn net o'i gymharu â'r mis blaenorol neu os yw eich cod treth yn newid, felly byddwch chi fel arfer ond yn derbyn cyfloglen ym mis Mawrth, mis Ebrill a mis Mai bob blwyddyn.

Cysylltwch!



Desg Gymorth Pensiynau: 01443 680611
Llun - Gwener: 9am - 5pm



E-bost: Pensiynau@rctcbc.gov.uk



Gwefan: www.pensiynaurhct.org.uk



Post: Tŷ Bronwydd, Porth CF39 9DL

Newidiadau yn eich manylion personol

Cofiwch roi gwybod i ni os byddwch chi'n symud tŷ neu'n newid eich manylion banc.

Mae dwy ffordd o roi gwybod i ni:

- Defnyddio **Fy Mhensiwn Ar-lein**, neu
- Os ydych chi eisoes wedi cofrestru cyfrinair gyda ni, mae croeso i chi ddweud wrthon ni am y newidiadau yma ar y ffôn, neu
- Mae croeso i chi lawrlwytho'r **Ffurflen Newid Cyfeiriad neu Fanylion Banc** o'n gwefan: www.rctpensions.org.uk Gwnewch yn siŵr eich bod chi'n dweud wrthon ni mewn da bryd - os na wnewch chi hyn, mae'n bosibl bydd eich taliad yn hwytr.

Os ydych chi'n dweud wrthon ni eich bod chi wedi symud, byddwn ni'n rhoi'ch cyfeiriad newydd i Gyllid a Thollau Ei Mawrhydi.

Os yw'ch statws priodasol wedi newid, bydd raid i chi roi gwybod i ni a darparu copi o'ch tystysgrif priodas wreiddiol, eich tystysgrif partneriaeth sifil neu'ch archddyfarniad absoliwt.



RHONDDA CYNON TAF

Cynnydd mewn pensiwn eleni

Mae cynnydd blynyddol yn eich Pensiwn Llywodraeth Leol ar Wladwriaeth yn seiliedig ar Fynegai Prisiau Defnyddwyr (CPI), fel yr oedd ar 30 Medi y flwyddyn flaenorol. Bydd y cynnydd yn cael ei dalu o 7 Ebrill 2025. Felly, dim ond am ran o'r mis o 7 Ebrill 2025 ymlaen y bydd eich taliad pensiwn ym mis Ebrill yn cael ei gynyddu. Byddwch y cynnydd yn cael ei roi ar waith yn llawn ar gyfer eich taliad pensiwn o fis Mai ymlaen.

Bydd eich pensiwn yn cynyddu:

- os ydych chi'n 55 oed neu'n hŷn
- neu os ydych chi'n derbyn pensiwn eich priod, buddiolwr, neu blentyn
- neu os ydych chi wedi ymddeol oherwydd salwch

Os nad yw un o'r rhain yn berthnasol i chi, bydd eich pensiwn yn cynyddu, ond fydd y cynnydd ddim yn cael ei dalu tan eich pen-blwydd yn 55 oed.

Eleni, bydd cynnydd o 1.7% yn eich pensiwn.

Os dechreuodd eich pensiwn ar ôl 23 Ebrill 2024, byddwch chi'n derbyn cyfran o'r buddion, sy'n dibynnu ar ddyddiad eich ymddeoliad.

Os ydych chi'n derbyn pensiwn, a'ch bod chi wedi cyrraedd Oedran Pensiwn y Wladwriaeth, fe ganiateir i'r Gronfa Bensiwn beidio â thalu'r cynnydd llawn; bydd rhan ohono'n cael ei dalu gan yr Adran Gwaith a Phensiynau ar ffurf cynnydd yn eich Pensiwn Sylfaenol y Wladwriaeth. Bydd hyn yn gyfartal â'r cynnydd cyfan.

Pensiynau yn dechrau	Cynnydd yn y pensiwn
24 Mawrth 2024 i 22 Ebrill 2024	1.7%
23 Ebrill 2024 i 22 Mai 2024	1.56%
23 Mai 2024 i 22 Mehefin 2024	1.42%
23 Mehefin 2024 i 22 Gorffennaf 2024	1.28%
23 Gorffennaf 2024 i 22 Awst 2024	1.13%
23 Awst 2024 i 22 Medi 2024	0.99%
23 Medi 2024 i 22 Hydref 2024	0.85%
23 Hydref 2024 i 22 Tachwedd 2024	0.71%
23 Tachwedd 2024 i 22 Rhagfyr 2024	0.57%
23 Rhagfyr 2024 i 22 Ionawr 2025	0.43%
23 Ionawr 2025 i 22 Chwefror 2025	0.28%
23 Chwefror 2025 i 22 Mawrth 2025	0.14%

Dewis iaith

Rydyn ni'n hapus i gyfathrebu â chi yn Gymraeg neu yn Saesneg. Rhowch wybod i ni beth yw'ch dewis iaith a byddwn ni'n sicrhau ein bod ni'n cyfathrebu â chi yn yr iaith honno yn y dyfodol. Mae modd rhoi gwybod i ni am eich dewisiadau o dan yr adran Fy Manylion ar ein gwefan Fy Mhensiwn Ar-lein. Fydd gohebu yn Gymraeg ddim yn arwain at oedi.

Diogelu'ch arian

Mae'r Gronfa Bensiwn yn rhan o'r Fenter Atal Twyll Genedlaethol sy'n canolbwyntio ar atal achosion o dwyll a llwgrwobrwyo sy'n costio cannoedd o filiynau o bunnoedd i drethdalwyr bob blwyddyn.

Drwy gymryd rhan yn y fenter yma, mae Cronfa Bensiwn Rhondda Cynon Taf yn cyfrannu at ddod o hyd i achosion o dwyll a llwgrwobrwyo, ac mae dyletswydd gyfreithiol arnon ni i ddiogelu arian cyhoeddus. Yn rhan o'r fenter yma, mae asiantaethau cyhoeddus yn cael rhannu'r wybodaeth yma.

Os byddwch chi'n derbyn cais am wybodaeth, peidiwch â phoeni – hwyrach bod eisiau egluro anghysonderau sydd wedi dod i'r amlwg.

Os ydych chi'n hawlio unrhyw fudd-daliadau, er enghraifft budd-dal tai, mae eisiau i chi roi gwybod am eich taliadau pensiwn, gan gynnwys pensiynau salwch, gan y Cynllun Pensiwn Llywodraeth Leol.

Bydd y newid yn cael ei ystyried yn awtomatig mewn buddion goroeswyr sy'n cael eu talu i bartner sifil a phriod o'r un rhyw yn y dyfodol.

Pensiynwyr Tramor

Mae Cronfa Bensiwn RhCT mewn partneriaeth â Banc Asiantau y Goron er mwyn eich galluogi i dderbyn eich taliadau pensiwn yn eich arian lleol, yn uniongyrchol i'ch cyfrif banc tramor, ble bynnag yn y byd rydych chi'n byw. Fydd dim tâl trafodion misol am hyn.

Hoffech chi gofrestru ar gyfer y gwasanaeth yma? Cysylltwch â ni a byddwn ni'n anfon ffurflen atoch.

Mae Cronfa Bensiwn RhCT hefyd mewn partneriaeth â Banc Asiantau y Goron i alluogi ein pensiynwyr tramor i gyflawni tasg prawf bywyd digidol blynyddol.

Pensiwn y Wladwriaeth a Threthi – Ymholiadau

Mae modd i'r Gwasanaeth Pensiwn, sy'n rhan o'r Adran Gwaith a Phensiynau, roi gwybodaeth i chi ynglŷn â'ch Pensiwn y Wladwriaeth a'ch credydau pensiwn, ynghyd â rhoi cyngor ar daliadau tanwydd gaeaf a budd-daliadau perthnasol eraill.

Pensiwn y Wladwriaeth –

Hawlio am y tro cyntaf: 0800 731 7898

Gwasanaeth yn Gymraeg: 0800 731 7936

Pensiwn y Wladwriaeth – Ymholiadau:

0800 731 0469

Gwasanaeth yn Gymraeg: 0800 731 0453

Yn ogystal â hynny, mae modd gwneud cais am Bensiwn y Wladwriaeth ar-lein:

www.gov.uk/cael-eich-pensiwn-y-wladwriaeth

Os bydd unrhyw gwestiynau gyda chi ynglŷn â'ch treth, cysylltwch â'r Swyddfa Dreth, gan ddyfynnu eich Rhif Yswiriant Gwladol.

Pay As You Earn and

Self Assessment

HM Revenue and Customs

BX9 1AS

Ffôn: 0300 200 3310

Gwasanaeth yn Gymraeg:

0300 200 1900

www.hmrc.gov.uk

Dyfarniad McCloud

Pan ddiwygiodd y Llywodraeth gynlluniau pensiwn gwasanaeth cyhoeddus yn 2014 a 2015 fe wnaeth gyflwyno mesurau diogelu ar gyfer aelodau hŷn. Ym mis Rhagfyr 2018 dyfarnodd y Llys Apêl fod aelodau iau o'r Cynlluniau Pensiwn i Farnwyr a Diffoddwyr Tân wedi wynebu gwahaniaethu oherwydd nad oedd y mesurau diogelu yn berthnasol iddyn nhw. Roedd y dyfarniad yma'n effeithio ar holl Gynlluniau Pensiwn y Gwasanaeth Cyhoeddus, a daeth y ddeddfwriaeth sy'n ofynnol er mwyn dileu'r gwahaniaethu ar sail oedran i rym ar 1 Hydref 2023.

Yn y CPLIL roedd aelodau hŷn yn cael eu diogelu gan amod a oedd yn golygu, pan roedd aelod wedi'i ddiogelu yn ymddeol, roedd ei bensiwn yn y cynllun cyfartaledd gyrfa yn cael ei gymharu â'r pensiwn roedd wedi'i gronni yn y cynllun cyflog terfynol, gyda'r swm uchaf yn cael ei dalu. Mae'r sylfaen bellach wedi'i hystemyn i bob aelod a oedd yn rhan o'r CPLIL, neu gynllun gwasanaeth cyhoeddus arall, ar 1 Ebrill 2012. Dim ond ychydig o bensiynwyr CPLIL fydd yn gweld cynnydd yn eu buddion, gan fod y pensiwn a gronwyd yn y cynllun cyfartaledd gyrfa yn uwch nag y bydden nhw wedi ei gronni yn y cynllun cyflog terfynol. Bydd y Garfan Bensiynau yn cwblhau'r holl gyfrifiadau angenrheidiol ac yn cysylltu â chi yn awtomatig os bydd y pensiwn sy'n cael ei dalu i chi yn cynyddu oherwydd rhwymedi McCloud. Does dim angen i chi wneud unrhyw beth.

Bydd y sawl sy'n derbyn Pensiwn Diffoddwyr Tân a wnaeth ymddeol rhwng 1 Ebrill 2015 a 1 Hydref 2023 (ac eithrio achosion Colled ar Unwaith) yn derbyn Datganiad yn amlinellu'r newidiadau i werth eu buddion pensiwn a'r opsiynau sydd ar gael. These Remedial Service Statements are currently in the process of being issued to eligible members. Mae gwefan fpsmember.org yn rhoi rhagor o wybodaeth am effaith dyfarniad McCloud ar Gynlluniau Pensiwn Diffoddwyr Tân.